

可睡齋總殿碑

可睡齋秋葉總本殿碑

海軍少將大勳位功四級威仁親王蒙額

可睡齋在遠江周智郡久努西村野萬松山德川家康公所初建也按舊記公秀時質于駿河今川氏僧等膳錫增善寺公與之
昵等膳石橋氏父曰五郎右衛門尉伊勢篠島人也公圖脫身歸國計等膳等膳謀之其父乃率其族裝為高買狀船載貨物
至清水港等膳感公為籠負之間道赴船與逃篠島遂致于岡崎及公壯移居濱松問知等膳在篠島妙見齋召見之謝曰非願
師庇護吾安得有今日因造膳話舊等膳昏坐睡公笑曰真程遠至倦憊可睡也使人扶而退且曰渠視我如子故相對坐睡正
見其慈愍無貳焉賜號可睡以篠島隔遠營寺於東久野鄉東陽軒之址使等膳住持之名曰可睡齋供給優渥待以十萬石以上
諸侯之禮七十餘寺屬焉先是應永中僧怨仲天間飛錫至此有古奈蒼翠可蔭結庵其下後創大洞院于橋谷其弟子大路一遵
就庵址造寺即東陽軒也荒廢有年至是等膳嗣其法燈第十一世為曹洞宗公崇敬等膳甚至將增賜寺邑固辭乃止擢為僧錄
既寂奏請 朝廷賜鳳山仙麟禪師謚號弟子禪易宋山並有學德相承嗣席至寬永中第十五世雲達和尚嗣席適修驗者相謀
橫奪秋葉寺屬其流派寺在州之秋葉山僧行基開創住持僧光椿慶之乞救雲達雲達有義氣為訴之幕府寬枉賴以申理而雲
達逆斃非命光椿等深德之自請為其子寺推宋山為開山雲達為二世贈以三尺坊像建堂可睡齋域內安置之秋葉寺初為真
言宗至是改為曹洞宗三尺坊者信濃人其母信觀音嘗夢觀音現加樓羅身有姪生男幼聰睿七歲為僧及長博學越後古志郡
藏王堂有十二坊其第一曰三尺坊為其主遂以為名今常安寺其遺址也三尺坊得神通大同四年垂跡秋葉寺距行基開創元
九十年世稱曰三尺坊威德大權現明治六年官以秋葉寺無田祿檀越廢之佛體佛具舉併之可睡齋因新造殿奉三尺坊十二
年竣功既而秋葉寺再興乃與可睡齋訂約齋祀三尺坊本體寺祀其分體於是四方歸仰益深寮者廣集眾患社殿狹小地工庇
村度而大之至十九年成煥然改觀稱曰秋葉總本殿有柵川熾仁親王賜書扁其殿楣方秋葉寺既廢三尺坊舊殿在山者輒自
燬眾因知神果徙于可睡齋矣城東郡加茂村柵下儀平者開三尺坊自秋葉遷乘醉詩齋乞防火符歸途上酒樓又飲罵曰此物
為何用執符投火惡言極口歸家則家已火鄰人集災址大驚以為真罰馳來謝罪及後營宅又火其靈異類如此齋住職日置默
仙將立碑殿側請文予夫等膳識真主於風塵中拔其窮厄事固可傳而三尺坊震耀威德寓勸懲於幻奇足以裨補治化乃諾其
請記而揭于石銘曰
提三尺兮真主捷伐以張持三尺兮靈神威罰維行與真主結淨緣兮萬松山翠鬱蒼得靈神之依託兮秋葉殿凜風霜故世濟眾
護家國佛恩神德遍四方
明治三十年歲在丁酉秋八月

正四位勳四等文學博士重野安緯撰并書

宮龜年稿



980 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100